



南宋羣賢詩選卷四



江都 陸鍾輝淳川



陳鑒之 二十八首

鑒之字剛父元名璟三山人東齋小稿

送鄭巖州四首

諸賢適江海梧竹孤鳳吟願言正王度祈招嗣清音亦
爲膠西董以慰及物心未可賦栢舟天眷宗祚深
父老迎使君舟楫桐江波那知使君心一片烟雨蓑杖
藜對客星清風雙嗟峨沙鷗如故人應爲小婆娑

嚴山少平田嚴俗稀倚民書生坐黃堂肯詫劘刃新定
以清淨化坐嘯物自春綠野人荷鉏使君聊岸巾
善端誰獨無所化有蘭鮑時容拜床下孺子似可教山
川頓修阻心折東去棹徘徊柳春帆腹風欲飽

遣興

踏遍茗谿石梅花又滿林山川春入望宇宙月知心一
紀別鄉井八年無鴈音危巢老松頂日暮有歸禽

會稽秋日觀山

荒藤間流水蠹葉風颼颼前山與幽人亭亭共清秋遠

近日明晦隱見雲水留木末一叟歸犬鳴茅舍幽憶昔
典午東劍佩森名流勝地慰遠懷茲焉久綢繆漁磯與
樵逕今有斯人不池石老苔髮空餘羸蚌遊世有古今
異郢歌聊自酬醉眼時摩挲此山卽前修

過吳江

垂虹四年別森森來夢境今晨整芒屨柳風吹髣髴春
光徹重淵蛟困綠波靜遠帆有無處小立爲徐領浩歌
翁自得白髮亂垂頸一室世誰如三萬六千頃平生卜
鄰意此際味差永翁兮肯平分吾其辦漁艇

晚登京口倅廳富覽二首

窮途逢偉觀小閣江萬里薄暮岸幅巾寒烟四山起天
河注平淮斗柄卧蘆葦欲返還少留燈青客船尾
孫劉昔虎視鉄騎如風雷白水到蒼嶂今焉侑予杯功
名詫一時空雲暫崔嵬衲子真英雄一龕老巖隈

古詩四首奉寄陳宗之兼簡敖臞翁

鷗雄烏一色烈焰玉石分子桑十日雨英槩君摩雲塵
尾失羈思襟裾蘭茝芬是豈如蟹驢書圃同鉏耜
君隱萬人海嘯詠足勝流我堕寂寞濱欵巖一筇秋蟠

鬱向誰吐天圍蘆荻洲劈箭客帆去何日回吾舟
甘旨娛母顏雍雍春滿室呶啞索梨棗諸兒爭遶膝波
明再茁桐露滌清吟筆人生如此足富貴刀頭蜜
亭亭會山閣四面秋澄鮮槃礴一代英披衣俯飛鳶邇
來幾星聚清尊壓雲烟九轉得竒訣分惠毋獨仙

京口江閣和友人韻

良辰仍我輩斗酒大江邊小閣納萬里一帆來九天世
塵黃鵠外詩興白鷗前地勝吾衰矣常懷李謫仙

題鄭承事所作蕙蘭三首

三首直率少
味 本朝表
趙深染此種
習氣唯漁洋
少人訪此一首
歎其所以能
馱步也

蘭如君子蕙如士此評吾得之涪翁有餘不足姑勿論
畢竟清幽氣類同

托迹不辭巖谷深異於蕭艾亦何心清風披拂自多事
斜日淡雲香滿林

鄭君欲與蘭寫真心神暗與蘭俱春詩家三昧正如此
境融意會今何人

有感

淋雨何人記子桑朱門車馬漲塵黃百年友誼須英槩
畫虎何妨效季良

同劉叔泰放步湖邊入靈芝寺坐依光良久叔

泰誦坡仙好把西湖比西子之句予因賦古風

一首

劉郎喚我出勝處意所便清寒柳桃風濃淡杉檜烟僧
廬自生香步遶古佛前依光偶不扃坐數禽聯翩平林
度清磬遙隄蒨歸船湖山露真態鷗點溶溶天形容幾
吟筆剛道妝抹妍莫作西子看正如姑射仙相知喜值
予微笑生清漣

探梅

傳神阿堵

驢蹇颯寒獵帽衰吟肩山聳酒微醺彎彎竹逕霏霏雪
小小溪橋淡淡雲忽邂逅時真得侶向空濛處細飄芬

回天力量知誰似笑挽春來首策勳王阮亭曰三四寫神可與林逋佳句

並傳

再到京口

問訊金焦無恙否雙鰲依舊據寒流埵邊浪戰嵌巖石
木末雲扶縹緲樓楓葉蓼花新醉雨山容客鬢兩添秋
海天一鏡舟如豆忘却塵緇季子裘

同潘孔時飲惣宜園孔時出寶晉數帖呼道人

吹簫次日有詩予用韻答之

六橋秋新宜醉吟舉杯共聽巖鶴音危亭三面立老竹
寶晉數帖清人心涼蟬不敢喧夕曛洞簫聲繞山腰雲
搖搖歸艇水紋裂山紫天青河漢白想君獨立對空濶
一鷺毛寒藕花月

寄題長溪楊恥齋梅樓樓乃其先世讀書之所

乃翁愛書書滿樓萬軸插架堪汗牛乃翁愛梅梅遶樓
千年老幹如蒼蚪梅護羣書俗塵絕書對梅梢滋味別
有時掩卷靜倚闌簷角一枝擎淡月雁行編簡相從久

筆研收功竟無負後登進士兒孫登樓凜生敬謂此梅
 花乃先友一新丹蘄煥枿拱黃卷依然對姬孔汲泉不
 是灌梅花培養君家讀書種袍香青紫雲路同盛事何
 翅繼乃翁後來應有跨竈者百花頭上文正公吾知乃
 翁好梅意不獨區區為名第霜颯天地慘無色誰得東
 皇第一義惟梅氣稟獨超卓首送春風入書幄對之心
 地悟理學此是天民尹先覺

題問政山

于方外兄德誨為新安太守於郡之東山築

屋以居方外號為問政山房

憑軾邦君侈画熊却來問政翠厓翁祇應兄念元真子
 不是堂無齊蓋公千載棣華垂盛事兩叢慈竹亦清風
 跨鸞時過宣平老明月簫聲在半空

守齋示予遊問政山和陳廣文詩予用韻呈守

齋

小隊名山訪古歸雪雲石解聽招麾瓊瑤千嶂插空濶
 珠璧一詩爭崛竒興逸聊茲遊赤石民安何待化潢池
 妓圍如画心如水鬢髮從渠映玉碑自註玉碑見盧仝集

南齊書選 卷四
同倪元公善之納涼壽芳

沿堦草軟翠流長境靜蒲荷覺更香清坐小亭叢竹近
暫停團扇受風涼

陪守齋至玉湖書院作

天垂大溪碧近樹齊遠山水氣涵野色縹緲亭數間憶
昔文節公孤標凜群姦飄然兩屐齒雲巖遍躋攀此地
足佳致差不遠市闌壽峯文節次子顧而喜築屋娛親顏吳
興富臺榭往往携歌鬟公獨抱書來小舟破潺湲花淡
水紋麗鳥啼人意閑讀易發妙蘊不惟評馬班公有易訓馬班

異辭著述五百卷星芒照人寰天街幾綉鞍蹀躞趨豹關

何來砥柱立一老菰蒲灣守齋文節第四子今右曹郎中領客遊秋

風韻枯管我誦壁間文徙倚蘚石班德人不可見月白
漁舟還

題村學圖

田父龍鍾雪色髯送兒來學尙腰鎌先生莫厭村醪薄
醴酒雖醲有楚鉗

施

樞三十七首

樞字知言浮玉人嘉熙間嘗爲澗漕幕官有芸隱

南齊書選 卷四
橫舟稿芸隱勸遊稿勸遊自序予下壬辰第始學
詩甲午往來錦溪或自家山趨京城每多感賦至
市橋見月之句若有悟解乙未秋入吳攝庾臺幕
丙戌秋復過越訪東畝先生吟又少暇日搜故篋
僅若干篇題曰勸遊稿

解宇傍河髣髴家居

合是清溪近處居在官却與在家如柳風拂岸時鳴櫓
梅月橫窓夜讀書休問舟閑無喚渡須知水到自成渠
俸錢已足供薪粒比着簞瓢儘有餘

月夜憶梅花

夜深寒月照窓紗忽憶林逋處士家鷗鷺正眠烟樹冷
不知誰可伴梅花

雨後道間見紅梅

玄都境界玉堂身輕裊湘裙步曉陰昨夜雨肥添酒暈
紅情染得十分深

再雪

投曉又飜飛春風亦被欺須知寒徹夜勝似臘殘時艷
紛同梅落輕花替柳吹渾然成片玉凍合在前池

聞寺中曉鼓
靈鼉一鼓振潮音
征夢迢迢枕畔聞
語斷頻伽天正晚
松風吹散滿山雲

送黃溱遊金陵

六朝多舊事
誰與問江山
我亦身重到
材踈語竟慳
燕歸秋巷靜
鷺去晚洲閑
健筆無輕賦
前賢轍可攀

破榴

絳殼盈盈萬顆珠
潤於瑪瑙浸冰壺
吟心先自清如水
嚼了寒霜骨更臞

大能仁寺

山門八百餘年
戊戌秋震於風雨

規模應甲剎
殿閣擁金仙
歲歉炊烟絕
城低野色連
客僧皆散去
主者獨安眠
成毀難逃數
山門八百年

晚寒

曲曲屏山憶夢中
峭寒成陣入簾櫳
宿香銷盡金猊冷
一樹梅花怯晚風

晚思

客思悠悠幸自安
亦因吟事可相寬
小窓過了廉纖雨
細與東風說晚寒

雪坡以雨阻山行有詩因以次韻

爲欲看山助眼明，頻占鵲喜報新晴。春光已過三之一，
塵世難逢四者并。詩酒深情殊未適，肴蔬薄具亦頻更。
終來不似西湖好，晴雨皆堪傍柳行。

用雪坡春色韻

纔出城門興便濃，晴光野色兩俱融。柳方染得三分綠，
桃已熏成一半紅。山湧林巒荒寺隱，湖分港汊小舟通。
相携各自論年事，幾度春風上鬢蓬。

天基瑞應宮

舊毓聖地

金碧耀瓊廬，天開繞電區。烏流周室瑞，蛇斷漢家符。石
井騰曦馭，瑤壇布斗樞。願將皇極福，敷錫徧康衢。

道間見桃李花

東風到處競繁華，不問窮欄與大家。垂柳絲中深院宇，
隔牆時有出來花。

唐園

內人朝陵此園供午頓

幽居已似水中仙，更有亭臺在屋邊。擬作小園難盡處，
一年兩駐內家船。

泛月夜歸

南宋詩選 卷四
短艇衝寒泛淺沙。滿溪明月浸蘆花。忽驚遠岫燈光發。
籬落蕭疎一兩家。

龜溪市橋見月

樓臺疊翠遶清溪。淺淡雲邊月一眉。行到市聲相接處。
傍橋燈火未多時。

小樓獨坐用菊潭壁間韻

簾捲疎風入小樓。夕陽銜雁欲西流。無人細說吟邊事。
獨有黃花共晚秋。

閨思

簾底臨鸞惜歲華。鬢雲慵掠寶釵斜。落梅香斷無消息。
一樹春風屬杏花。

小樓對月

京國誰曾念旅游。閑情芳思兩悠悠。却因今夜欄杆月。
引得春風上小樓。

晚望

芳艸迢迢客路長。柳邊吹絮燕泥香。桐花折盡春歸去。
猶倚危欄問夕陽。

再賦酬吳鞠潭

酉字詩選 卷四 二
酌酒酬春醉晚紅誰知書劍兩無功漁竿冷浸半絲風
牛背閑消一笛風仙夢不隨狂蝶亂家書只倩素魚通
友聲更擬遷喬去底似人情較異同

東天目二首

三潭之下有九溪之隔三潭之上有百尺瀑
泉之勝飛橋之險涉深扳緣止到第三池上
兩池及飛橋則無計可觀所以限仙凡也又
有東西三井石室朝陽三洞黃冠厭人遊覽
不肯指引僅披荆莽題名朝陽洞中

不辭巖險訪龍潭潭底無窮碧似藍亂石鳴灘溪過九
飛泉瀉瀑塹分三雖然道士能相引不比樵人得盡諳
惆悵飛橋無路到乘風應許御雲驂
不謂山行得此晴有名勝處必須經玉田艸滿春無極
石室人稀夜不扃自料俗情應厭勅誰知幽意在空冥
碧桃却似傳消息一曲瓊歌月滿庭

題至道宮雲巢軒 西天目

碧霄路底作生涯雲亦何曾定有家月印天池心宇淨
水鳴環珮出松花

芍藥

天女霜刀剪亦難露紅烟紫碧欄杆步搖衣袂飄霞珮
鈿合釵梁間寶冠枝上任他無力笑燈前還作有情看
采根若可蘇民病始信無經載牡丹

小瓊花

臨安縣齋山花一株四月盛開無識之者效
樂天招賢寺花體以小瓊花賦之或謂婆羅

花

合是孤根在廣庭世間那得此雲英霓裳一曲天香散

惆悵瑤堦月自明

題鶴林丈室用俞紫薇韻

物我相忘付八還

坡詩

偶來瓊館扣霞關玉峰自有三生

約玉蕊花事

塵世真同一夢間華表風清丹頂去緱山月冷

碧笙閑當知象外機無息肯羨黃金繫九環

夜涼聽雨

暑雨沉沉夜正清涼欺客枕夢頻醒雖然未是秋時候
滴在梧桐亦厭聽

西河柳

南齊詩選 卷四 三
一把青絲拂地垂。棹梢淺淺抹燕脂。絮花吹盡枝方長。
却恨春風未得知。

三過垂虹

秋來三度過垂虹。灝氣橫江水接空。帆影輕浮千幅月。
漁竿冷浸一絲風。楓初落葉前邨近。荷有餘香別浦通。
笑拍欄杆天地濶。鱸尊酒許誰同。

滄浪

長史遺踪二百年。直教名字到今傳。渚香細浥蓮須雨。
野色輕團竹尾烟。但得幽情關水石。何須隱迹痾林泉。
客中正有塵纓在。來此清遊亦是緣。

清夜

客身隨取止。一室冷如水。景遠吟何託。情踈夢不曾。雨
粘初蘚壁。風謝欲花燈。豈是無家者。甘爲有髮僧。

開爐次夕。以不禁離抱。來訪宏菴挑燈細語漏。
促忘歸卽事。有賦時黃澹翁在焉。

客裡情懷不自如。夜深來訪子雲居。挑燈細按新翻曲。
拂案同看舊架書。梧葉敲風蛩砌冷。菊香消雨鶴庭虛。
相逢且與開眉笑。莫遣吟邊酒琖疎。

寄陳藏一

萬人如海亦紛紛還着江湖有限身題葉恨深波影遠
嚼花吟苦月痕新羨君朝市情俱薄笑我山林趣未真
名勝搜羅能盡否細論何日許相親

借張憲韻述懷呈東畝先生

早起看秋意山前深未深水香飄遠渚晴色上平林風
雨一雙鬢江湖萬里心何期來此地時作短長吟

禹廟

袞服嚴常祀平成萬世功圭璋藏道室弓劍莽幽宮石

定音釘

今猶在梅梁事莫窮幽尋須作計多恨雨匆匆

徐集孫十首

集孫字義夫建安人竹所唸稿中五言如風露浸
衣冷江湖送眼豪七言如咏鷺點破青山成曉畫
飛來紅蓼稱秋汀雙桂獨披月色連宵看更結秋
風來歲盟皆標致可喜

智果寺觀東坡墨蹟參寥泉

煮茗評詩歲月深堂堂遺像篆烟沉數間老屋關興廢
一段清名無古今碑斷亂雲封字脚井昏落葉覆泉心

斜陽影裏夷猶處仰止高風不敢吟

訪僧不遇

特地尋君選佛場行行踏遍古苔荒不因坐石貪搜句
何事抽单輟赴堂空榻日移懸錫影別寮風過煮茶香
忙中我爲閒來到君本閒人爲甚忙

重拜和靖先生墓

秋聲爾許悲懷古若爲思菊老泉堪薦山孤艸亦萎高
風留塑鶴殘雨暗荒碑依舊梅千樹無花香似詩

湖西納涼

小艇撐過第一橋酌泉橋下擲詩瓢來遊道院分荷供
擬拉吟僧遣鶴招暮靄直從漁笛起月華高處塔燈遙
且於靜處偷清福人海驚人湧似潮

中元

今朝逢令節依舊客殊鄉禪衲全分席清齋若過堂江
茶浮水色野菜帶山香忽憶三秋菊誰鋤小徑荒

除夕

一歲驚心忽已除宦遊尙自客西湖漫題桃板標茆屋
旋買梅花插瓦壺俸薄幸無賒酒債官閒却有索詩逋

明朝萬事從頭起依舊山肩竹樣癯

挽孫花翁

清氣散乾坤人亡名尚存玉寒埋葛嶺墨淡慘秦村井
菊風號塚山花月返魂子孫無處覓嗟客酌芳尊

靈芝寺

梵宇背湖光朱橋度綠楊折藤維小艇拂石坐幽房齋
版驚閒鷺苔碑卧夕陽都人喧鼓吹未識此徜徉

聽雪窓

靜擁寒爐逼硯冰凍蠅恠有撲窓聲拋松撒竹清眠思

吹滅唵燈坐到明

閑賦

梅花白向鬢根生歲月蹉跎事欠成讀過故書温有味
借來新絮冷無情未霜山寺昏鐘勁欲霽湖亭夕照明
多少紅塵留滯客可曾歸去力春畊

吳汝弼 六首

汝弼字伯成建昌人戴復古有送伯成歸建昌詩
中有云無因暗投璧有味倒餐蔗冥搜琢肺肝苦
吟忘晝夜工夫到深處非王亦非伯雲卧集一卷

童

歲終呈一齋二首

磊砢千丈松清陰蔭林邱豈無棟梁用匠伯不見收匠
伯恐未良棟梁終有求天風叶偃蓋五雲常爲浮
學道非學世韜精養中和紆朱各自貴誰肯聆商歌
皦大聖心昭然空自多著書後子雲千載應不磨

酬玉汝

磔壤畢春氣長羸換新綠爽氣吹涼光紉餌釣山淥
魚喫水香菰蒲削藍玉老景結清和心花委濠濮日暮
雲倒飛苦雨濕茅屋竒哉五碎金青草眠黃犢天行貴

葆真心骨迥凡俗一尺黃菊花秋風播芳馥

游石仙分韻得觀字

閑攏兩袖秋步入冲寂觀古樹老雲中仙居毀巖半是
時零雨高葉脫淒風亂恠禽走何忙澁水流不漫那知
張郎仙譎幻敢懸斷雷書貯紅崖愚下浪傳贊符碑儻
長靈鬼物豈歌喚尙云劍埋山安得急推斷冷翁亦張
徒精氣不知散死坐豫樟空鑿竅競窺看何不葬山原
不然棄江岼烏鳶與螻蟻豈食吾一貫獨流天地間萬
古亘光燦神仙固渺茫此事良可惋忍哉偷兒狂更擣

南史詩選 卷四 六
泥腹爛我來擬少休亭壓不敢玩黃冠四三人拙野只
欲竄延坐無好言令我住涼館飯餘且縱觀逸興薄霄
漢琴鳴著高彈奕勝出奇筭歛咏壺隱樓撫事發長嘆
大書同人名聊欲紀遊翫陰霾念輕寒日色倏昏晏倩
人買村醪煮芋疊肴按清坐二更深一睡各鼻鼾曉來
登巖頭棘路解羈絆劃開天蓋寬遠景過飛翰幽藂摘
新查窺險身發汗居然束歸裝重下西巖畔我思古之
人豈只局窮閑觀海登泰山深高世間冠斯巖雖荒榛
樂事實昭煥人心本然同今古未容判終當駕雲風高

蹈無畔岍作詩示兒童茲遊吾豈但

謁來

領上謁來觀白雲翔鸞奮鶴浮天英斜開錦繡春樹滿
溶溶半露遙山青忽然變現成蒼狗萬里長風霍無有
海龍塞氣不敢吹日照虛空無老時

領上謁來弄明月千里銀光寒不缺蝦蟆魍魎走死盡
直數秋毫上金闕心如此月月如心嗒然獨據無絃琴
騰騰轉空白日晝詩帶流星過南斗

武 衍 三十六首

衍字朝宗汴人適安藏拙餘藁藏拙乙稿

張聖甫日平生

最愛洪文敏所編唐絕句今開朝宗詩何翹千里對似人也方萬里日適安絕句吟詠情致多有

可筆于丹青者

秋夕過松陵

月冷江空夜氣濃桂香飛下廣庭風不知何處神仙過
雀唳數聲烟靄中

鶯

柳外飛來恰弄聲瞥然流去一梭輕分明啼斷春秋處
風不驚花午院晴

宮詞二首

梨花風動玉蘭香春色沉沉鎖建章唯有落紅官不禁
儘教飛舞出宮牆

牡丹春籞正穠華有旨今年不賞花剪落金槃三百朶
內批分賜近臣家

虛星壇月下聞笙

何人吹動玉笙攢天濶風高桂殿寒聲軋五雲飛不去
夜深和鶴落瑤壇

書画扇

雙成午夜約飛瓊齊駕紅鸞看月明縹緲碧雲歸去曉
洞天霜冷玉簫清

開元廣寒詞

桂華珠殿水精樓柘袖籠香乙夜遊飛下銀橋人不覺
月明三十六宮秋

客去

晉人冠子羽人衣客去移床傍小池扇影不搖蘄竹淨
藕花風裏看唐詩

游吳門同樂園芥池光亭壁呈使君張都承

一城和氣萬花春金碧樓臺處處新
太守不孤同樂意
木蘭堂上看游人

聞角呈宗諭方蕙巖

曉角吹愁客夢寒一聲聲落曲屏間
吳兒可殺無風味
老却梅花祗當閒

秋夕清汎

弄月吹簫過石湖冷香搖落碧芙渠
貪尊舊日鷗邊宿
露濕船頭數軸書

春日湖上三首

花外垂楊閱四朝東風依舊綠條條當年盛事人猶說
二殿龍舟泊画橋

折桐花上雨初乾寒食遊人盡出關一片湖邊春富貴
斷橋船簇夕陽間
飛鷁鳴鑼鼓吹喧繁華應勝渡江前吟梅處士今還在
肯住孤山爾許年

長橋月夕

卷來滄海黃銀浪飛出層雲白玉團千古垂虹竒絕處
獨凭三百赤欄杆

雙鷺

誰驚雙鷺起蘋汀楚裂玻璃細有聲飛入白雲渾不辯
碧山橫處忽分明

老宮人

侍輦觀花上苑春太皇宣索鳳笙頻如今猶記當時曲
對譜閒教小內人

湖亭席上贈商素

一曲春風已擅場淺顰低轉更傳觴令人憶殺香山老
舊日玲瓏也姓商

阮客

粉靨嬌春掌上輕
玉琴聲裏見深情
花邊臨別重回首
猶恐絲絃說未明

書吳江塔院水月

疊疊滄波隔亂山
白鷗飛去復飛還
吟邊好思無多子
祇在孤舟落照間

立春

蓼滴辛槃色鬪鮮
已將春到酒尊前
金幡不用吳娃祝
自唱新詞插髻邊

霜梧

棲鳳枝頭數葉輕
井邊籬落正關情
晚來縱有西風過
一片秋聲作不成

湖邊

日日湖邊上小車
要尋紅紫醉年華
東風合與春料理
忍把輕寒瘦杏花

新雁

塞月程程遠星河
字字踈不眠沙外
水恐濕足間書倦
翻支風去悲聲落
枕初秋清人易感
政自不關渠

睡覺

睡覺東風忽惘然起翻雲母續爐烟半醒不醉宿醒思
欲雨又晴寒食天春草池塘詩夢裡梨花庭院酒尊前
誰憐倦客長安市節物驚心憶舊年

楓橋道中

路接官河柳行斜蹇驢衝暑憇田家雨餘天迥雲生葉
日午風輕稻放花襪襪已縣黃犢睡桔槔不動綠陰遮
老翁相見如相識命坐梨床自析瓜

松陵晚泊

泚泚風濤外天隨底處尋碧雲千嶂暝紅樹九秋深故
國荒城夢空江倦客心行藏那復計蓬月闖孤斟

次韻答菊莊湯伯起

數弓蔬地一方池吾愛吾廬祗自知蘆碧補交楊柳缺
檉紅攬上藕花遲翠陰圍合疑無日涼意蕭騷賸有詩
君欲重來須更待嫩烟浮動晚晴時

山院

小院清聲動碧梧。颯然涼思滿籬條。年來懶結青鐙伴
却課兒曹讀夜書。

夏日書事

緩將琴軫卷將書。誰信閒中事有餘。約客論茶和水試。課童移菊帶泥鋤。竹襲日午猶關。雀水檻朝來自餽魚。山薊已茁瓜已蔓。適安生詎未全疎。

清明湖上

榆火初傳禁漏殘。滿城和氣在湖山。接天楊柳風烟裏。照水桃花圖畫間。舊路人穿新路去。長橋船出斷橋還。吾皇應喜民胥樂。歲許西門入夜關。

月觀遠眺

朝宗亭下浪冥冥。何日尋觀瘞崔銘。更欲裹茶邀客去。短篷敲火淪中泠。

歲在丁亥郊禋禮成皇帝登門肆赦獲睹盛典
恭成口號

闔闔煌煌闕曉雲。千官鵠立望嚴宸。雀書飛下珠簷峻。雉扇分開玉座新。山壽聲中團喜氣。鈞天奏處隔香塵。明王盛事民何幸。三載恩寬四海春。

正元二日與菊莊湯伯起歸隱陳鴻甫泛舟湖

上

南宋詩選 卷四 三
權轉逋山艤落暉春風深鎖恨依依松間一雀俄飛起
疑是先生出未歸

湖亭席上

寒食梨花月。新晴楊柳風。愁融山色裏。興極酒杯中。綠
髮日夜變。青春今古同。忍教行樂處。容易夕陽紅。

南宋羣賢詩選卷四

南宋羣賢詩選卷五

江都 陸鍾輝淳川 甄錄

高似孫 十七首

似孫字續古一字疎寮四明人淳熙十一年登第
授館職疎寮小集

入餘杭縣

明發遵西陸駟車月流光佳山迎車來知是古餘杭危
樹露如雨平野日未陽支流瀟清源弱羽無高翔人家
叢灌下世載山水鄉扣門作午憇白飭羞文魴邂逅有

南齊書選 卷五
足歡離合非其常主人不予鄙予留亦徜徉

憇昌化民家

晚程息勞轍白日流西輝水鳥得魚去耕夫荷耒歸川
原杳芋絲林野雜依霏一來扣竹館相邀入荆扉重巖
吐清溜澄陰有殘馘曰予老此室十世相因依左右桑
果足歲日雞豚肥豐猶未至裕歉亦無能飢予聞良自
愜欲謀北山薇有田可同畊有蠶當共衣車夫猝無情
此志仍重違

答李才翁

素意杳難尋殘鑪屬晚陰花知西洛事鴈叫北人心客
共艱難盡詩隨老大深金陵書不到消息又沉沉

宋江都研

數寸清純玉不如入波陶髮冷蕭疎千金濫抵荆山鵲
一璞深剝渭水魚墨帶花香臨近澗泓沉燈影了殘書
從來端歛難優劣名下真成士不虛

答宇文文學

無能應俗苦皇皇詩不驚人筆事荒天下無山如飯顆
人間有水自滄浪左杯右蟹一舟足早韭晚菘三畝強

南齊書選 卷五
莫謂覺來無可嗜逢人猶自覓花忙

燕文貴山水圖

道山堂上御府畫展卷猶能記老燕十日何由辦水石
千金乃可分江天楚湘兩岸風落木海嶽三秋鴈度川
大山小山俱好隱江南楚去曲肱眠

答武昌吳廣文

平生不識武昌樓官柳青青好在否庾亮笛吹黃鵠月
簡栖碑駁碧苔秋山橫赤壁含情斷水出瞿塘快意流
何處叫君同一醉並舟秦女擘篴篴

丹砂歌謝胡史君惠砂床

宜州丹砂產暘谷不比辰谿攢箭鏃素霓深抱赤城霞
斬猩半染于闐玉海日下照珊瑚紅化爲姹女金芙蓉
一從擘華分禹璞猶有絳點埋雲峰鑄鼎泥壇有消息
坐看光輝成五色淮南雞犬亦同升九轉真能生羽翼

琵琶引

人生聚散難爲別何況匆匆作胡越梅梢帶雪下昭陽
明朝便隔關山月長城不戰四夷平臣妾一死鴻毛輕
回憑漢使報天子爲妾奏此琵琶聲長安城中百萬戶

南齊書選 卷五 三
家家競學琵琶譜酸聲苦調少人知食雪天山憶蘇武
西風吹霜鴈飛飛漢宮月照秋砧衣嫋姚已死甲兵老
公主公主何時歸

銅雀硯歌

曹公夜讌凌雲臺一言契濶含餘哀分香老伎各雲雨
歌舞不盡埋蒿萊漠漠頽基鄴山下萬里煙塵無一瓦
井幹罇酒自平生烏鵲飛南播遺雅老農墾雨開荒寒
一礫千金苔未乾世人好奇不好近直比周簋仍商盤
老璞渾渾殊質曾得水猶能發妍媸更與人間作瓌古

月明夜盜西陵土

黃居中瀟湘圖歌

天暝而雨斷兮作蒼梧九疑之高秋風行而川怒兮洩
瀟湘洞庭之奔流樹不知名兮山抱複嶺沙不計程兮
水趨他洲波作止兮蛟舞蛟螫雲晦明兮猿呼猿愁原
不可作兮蘭亦塵土賈傅歸漢兮鵬其何尤誰呼魚兮
北澨有酒誰鼓柁兮南津有舟懷斯人兮杳靄千里目
悵望兮吾其歸休

騎鸞引贈句曲山吳道士

南宋詩選 卷五 四
夜騎白鸞出琳闕三萬仙官鏘珮玦雲雷帖妥過剛風
左推日丸右扶月一息瑤池翠水家阿母迎謁龍駟車
青娥彈絲玉妃酒圻盡蟠桃紅玉花九天丈人來問道
太極之前天不老丹霞一點玉樞宮寶笈金繩容探討
井君沐浴波五色洞房光芒上奔日天上傳呼六丁直
星斗離離礙鸞翼

聚景園

翠華不向苑中來可是年年惜露臺水際春風寒漠漠
官梅却作野梅開

四聖觀

水明一色抱神州雨壓輕塵不敢浮山北山南人喚酒
春前春後客凭樓射熊館暗花扶展下鵝池深柳拂舟
白髮邦人能道舊君王曾奉上皇遊

劉後村云極藻
繪追琢之功

石楠

自隨野意了山行香浸楠花白水生借得風來帆便飽
隔溪新度一聲鶯

梅

舍南舍北雪猶存山外斜陽不到門一夜冷香清入夢

野梅千樹月明村

紀夢

翠峰嵯峨三十六寒泉落空響哀玉斃花石路勢縈紆
玉欄杆護修筠綠雪髯老人負紫瓢金絲麈尾搖相招
紅螺酌酒湛湛碧坐倚蒼石吹洞簫孤鶴來傳天上詔
老人挽予偕一到飄飄高舉凌青冥直過剛風履黃道
祥光樓閣倚崢嶸神虎守關森衛兵雙闔朱扉忽微啟
中有靈官來遠迎絳衣持斧立丹陛玉皇手中玉如意
雲璈風瑟自宮商天聲清越非人世帝旁青童傳帝宣

文華宮中呼謫仙謫仙顧余咲且言子宜亟返來他年
探懷贈我五色筆子當寶之慎勿失濃香氤氳遠帝所
長揖老人下西廡身從日月上頭行俯視斗杓分子午
雲氣相隨步武生過耳但覺松風鳴覺來握筆紀佳夢
月明樓鼓搗三更

葉紹翁

二十首

紹翁字嗣宗建安人靖逸小稿嘗著四朝聞見錄
足補正史之未備

登謝屐亭贈謝行之

亭在天竺

南齊詩選 卷五
君家靈運有山癖平生費却幾緡屐從人喚渠作山賊
內史風流定誰識西窓小憇足力疲夢賦池塘春草詩
只今屐朽詩不朽五字句法誰人追天台覽遍興未已
天台山前聽流水秦人稱帝魯連恥寧向蒼苔留屐齒
已菴行之自號是集幾世孫登山認得屐齒痕摩娑苔石坐
良久便欲老此崑石根吾儂勸渠且歸去請君更學遙
遙祖遙遙之祖定阿誰曾出東山作音霖雨已菴未省
却問儂莫問當年折屐翁

西湖秋晚

愛山不買城中地畏客長撐屋後船荷葉無多秋晚事
又同鷗鷺過殘年

題鄂王墓

萬古知心只老天英雄堪恨復堪憐如公更緩須臾死
此處安能八十年漠漠凝塵空偃月堂堂遺像在凌烟
早知埋骨西湖路學取鷗夷理釣船

游園不值

應嫌屐齒印蒼苔十扣柴扉九不開春色滿園關不住
一枝紅杏出牆來

仙興

金聲宮殿玉欄杆雪瀑泉飛洞口寒日暮仙翁騎鶴去
碧桃花滿石棋盤

秋日遊龍井

引道煩雙鶴携囊倩一童竹光盃影裏人語水聲中
雨雲常濕無霜葉自紅我來何所事端為聽松風

嘉興界

平野無山見盡天九分蘆葦一分烟悠悠綠水分枝港
撐出南鄰放鴨船

烟村

隱隱烟村聞犬吠欲尋尋不見人家只於橋斷溪回處
流出碧桃三數花

石頭感古

夷甫諸人者龜跌已故邱但能揮玉麈不解冠兜鍪正
朔從江左經營僅石頭中原雖可望不忍上層樓

葛天民隱居

種竹成新列移蘭即舊陰老鐫猶有耳古柳已無心得
句添杯滿貪爐到夜深篝燈聊點校春水没衣砧

用其辭意

九日呈真直院

秋風吹客客思家。破帽從渠自在斜。腸斷故山歸未得。借人籬落種黃花。

田家二首

織籬爲界編紅槿。排石成橋接斷塍。野老生涯羞省事。一間茅屋兩池菱。
田因水壞秧重插。家爲蠶忙戶緊關。黃犢歸來莎草潤。綠桑採盡竹梯閑。

訪龍井山中邨叟

雨打荒籬豆莢垂。柴門未啟立多時。客來自掘蹲鴟煮。旋拾枯松三數枝。

西溪

一條橫木過前溪。村女齊登採葉梯。獨立衡門春雨細。白鷄飛上樹梢啼。

和葛天民呈吳韜仲韻賦其庭館所有

江遠潮痕細。城回路勢斜。竹行穿細筍。風墮過墻花。篆葉蟲留字。啣泥燕理家。主人清到骨。相對只杯茶。

表忠觀韓小官人

觀裏韓風子無心似有靈繞廊時自語捫虱故忘形午
曝松簷暖晨殮栢葉青客來知有饋迎笑立中庭

夜書所見

蕭蕭梧葉送寒聲江上秋風動客情知有兒童捉促織
夜深籬落一燈明

貴遊

五陵年少儘風流十日安排一日遊林下幽人差省事
筆床茶灶便登舟

鷺

此詩少味

無事時來立水田幾回驚去為歸船霜姿不特他人愛
照影滄波亦自憐

張弋十三首

弋字彥發一名其字韓伯號無隅翁河陽人秋江

烟草

丁晦夫曰清深閒雅宛有唐人風格

得山中友人書

近得山中信山中頗寂寥酒方收秫釀薪旋割茅燒破
屋秋多雨平湖暗有潮不曾逢客至默坐過清宵

游長干留寄聰公

僧去尋芳艸客來看落花就齋槃乞米借水鼎煎茶日
炙春無色風吹天有沙欲回成再住此意問林鴉

寄別顏伯奇

情深袂怕分豈不欲辭君轉柁方乘曉思山已隔雲菊
當前路見鴈在半江聞把盞秋纔好遙憐白鷺群

送宋謙父之清江因簡希亮

吟詩夕陽裏相送上瀟灘前路逢梅處同誰倚棹看歲
窮風力緊江濶雁聲寒持此呈蘇季人生識面難

高郵送紫芝

重逢又重別把盞更悽然明日帆開岸平湖水接天好

詩應自作

音佐

狂夢與誰圓我欲來相趁揚州且住船

李景文移居

能詩留幕府借宅近南湖吏去少公事客來多釣徒霜
爲今夜雪梅發去年株我爾同州住相過路不迂

子山寺

迢遞前朝寺經過遂一遊白雲鴉樹晚黃葉鳳臺秋僧
舉開山話人消在世愁殿廊經劫火已費十年修

送郭道士之江州

看盡山南景。忽思山北遊。履過雲亦動。琴罷月空留。世
上無非熱。林間一似秋。雖然乍相識。別去也能愁。

再送丕父

弟行兄出送。有約共凭欄。草木雨初過。江湖路轉難。同
懷年各長。重別酒無歡。明日雙鐘下。蒼岨應獨看。

山行

偶作山行只杖藜。歸逢寒日下山時。與僧並立看紅樹。
忽有鶴來栖樹枝。

送人歸南康

我來方與廬山別。爾去廬山是故鄉。前日住山渾不覺。
如今山遠却思量。

舒州歲暮

窮冬日日愛天晴。古寺門開絕送迎。野雀忽來橋上立。
山僧獨向水邊行。過寒梅樹白全少。入臘草芽青漸生。
又是舒州一年了。怕看新曆動鄉情。

廣教寺

卽二橋
故宅

英雄居處終竒特。幾度欲來今始能。騎省文高存古篆。
橋公樹朽長寒藤。清流併遶三分澗。翠竹相依住數僧。

沙鳥詎知千載恨日斜飛下立漁罾

張至龍 十二首

至龍字季靈建人雪林刪餘有寶祐三年自序

宿靈巖

樹杪鐘樓出半層佛床黠鼠弄殘燈五更石上僧猶定
頭滿清霜喚不磨

子期臺

拾葉題詩媿不才袖遮微日上層臺山僧分我松陰坐
隔岸花香渡水來

齊雲寺

雨疎分點下畧約界橫塘接竹通生水舉蘿補壞墻字
塗窓眼黑香染佛衣黃未晚螢先出蕭然兩畫廊

寄吳竹洲

野菜生根土亦香寒林晴久漏春陽山臨古畫開當戶
蝸學臨書篆滿墻密竹旋刪嫌碍月香柑遲摘待經霜
兒童閒取池頭水剗破琉璃綠一方

題白沙驛

霧裏峰頭薄似巾路逢水後誤行人山泉釀酒力偏重

南宋詩選 卷五 三
石鈔煎茶味最真燕不傳家猶教子梅纔有肉便生仁
枕邊學夢人方悟未到鐘聲夢更頻

東林寺

滿院香風乍熟楂猴孫抱子坐枯槎頭陀不慣迎賓客
自折芙蓉供釋迦

宿易冲妙道院

松髮經寒亂不梳夜來風減屋茆踈吟邊凍指僵如鉄
袖裡枯筇畫雪書

橫峰感事

石角多情挽布衣候蟲送響出林微文章首面趨時好
字學偏傍狗俗非綠水被風吹作白密花因雨打教稀
歸鴉路熟知巢近直望松林盡翅飛

巴嶺

處處柴門掩半邊鶯啼綠樹隔炊烟竹梯開倚柔桑畔
定是人家蠶正眠

古別離

扶上花驄酒半醺望沉鞭影暗銷魂離情恐被行人覺
背拂菱花補淚痕

晚步寄劉徵齋

縱橫屐齒印蒼苔。夢筆山高翠作堆。日帶晚光歸海去。
風傳秋信下天來。竹開小路通螢過。松守空巢待雀回。
蚋甕乾坤還自樂。何須金屋玉樓臺。

梅謝

冰花不留子。收香盡藏白。一朝作陳人。遜與桃李出。

杜旃十七首

旃字仲高。金華人。仁翁汝霖之孫。陵之子。與其兄伯高。旃弟叔高。旻季高。旻幼高。禮皆有名。稱金華。

五高仲高嘗占湖漕。舉首子去。輕與伯高子去。僞叔高子去。非幼高子去。華亦聲稱于時。去輕子名濬之。吳師道謂自汝霖至濬之。六世仕雖不顯。而文采聲華聯襲不墜。亦吾鄉罕有也。伯高有橋齋稿。幼高粹裘集。仲高與吳獵揚交善。有癖齋小稿。及杜詩發微。

白雲在南山

白雲在南山。幽鳥乘風飛。鳥飛不能遠。雲高還難依。園中亦有菊。堂後那無萱。游子不得歸。銜悲欲何言。

綠珠行

蜀絲殷空金作谷珊瑚成林珠百斛彼姝千花萬花蔕
明月出胎照波綠鏡中飛鸞掌中身夜月春風看不足
悲歡倚伏爲禍福西里憐顰東市戮願將舊意奉新人
此別他生定難卜君因妾死莫多怨妾死君前君眼見
高樓直下如海深璧玉一碎沙中沉平時感君愛妾貌
今日令君知妾心

同平父園中卽事

季冬少寒凜霜薄日色明訪我會心友相携園中行菜

甲長踈花梅枝綴初英潛魚戲晴波寒雀暖有聲小步
極遐覽閑吟暢幽情語言接繼繆意適體自輕歲華晚
更好景趣靜始并俯仰物態間聊與同春榮

明鏡行

明鏡照形不照影明月照影不照心朱絲委地流水咽
寶劍挂壁蛟龍吟二桃畫謀恩義絕慘慘嚴霜飛六月
銜石海可填鍊石天可補君非食蓮葍安知此心苦

上徐子宜侍郎二絕

當年金屋誤承恩自倚容華託至尊風外游絲難繫日

依然青草暗長門

猿臂將軍戰不休當時部曲亦封侯夜涼忽夢燕山月
猶幸君恩晚見收

九日懷陳舍人

白髮江湖暗青燈几席涼窮途幾半百佳節又重陽命
也吾何奈天平孰可量元龍樓百尺猶足慰行藏

別江陰宰魏元長兼呈王木叔使君

荆山抱璞自遭毀漠漠風沙埋皓齒咸韶正音或出爨
下桐千年憤鉄一日變化成蛟龍人生相歡貴知己心

不相知異生死豈不見豫讓不報中行氏又不見聶政
殺身酬仲子

滄海終可填太行竟能移丈夫殺身為感激有恩不報
非男兒意氣磨日月感遇由一時齊威九合諸侯盟黃
河倒流五嶽傾楚茅入貢民冠帶金繩玉檢思告成高
臺已荒曲池既平不見夷吾功但聞鮑叔名

賦賢已錄

靜觀趙史君喜棋
有是錄約予賦詩

物理因人創神機自古傳楊雄嗟有法孔子歎猶賢勝
負存虛實初終謹後先按圖嚴畫井起數象周天百戰

南齊書選 卷五
期爭道三隅察守邊開基思漢祖復土想周宣審勢攻
無備沉機救未然勝心游碧落幽思及黃泉冒利魚貪
餌乘虛鴈落弦紛爭忘父子迷惑到神仙守必防重析
攻須出萬全妄興侵伐意私擅殺生權給弄心懷詐包
藏智益元甘辭韜甲胃險志匿山川諱忘真情露矜誇
小數專怯圍潛却步貪得暗垂涎見逼難思進相持莫
敢前蹈危鬚捋虎役志耳鳴蟬意滿渾忘食神馳更廢
眠弱形遭毒手短節不空拳悔誤徒批頰矜高欲比肩
禍胎還隱伏陣勢漫綿延詭道非存正羸師合忘堅設

心踰虺蜴攫子甚烏鳶造妙羣心妬趨亡衆目憐淺謀
徒躁進重地莫輕捐黑白材因見雌黃論豈偏高人真
託興遠見始忘筌鑿戒無忘此防虞蓋有焉請看奕棊
句何愧鬪雞篇

山有狙行

山有狙不可馴山有虎不可親狙詐匪懷德虎饑須噬
人死生託良馬信厚稱瑞麟野性定難保猛獸終不仁

書懷呈鍾君祿吏部

君不見黃河之水能上天白髮一變無由玄人生住世

無百年倏忽變化空中烟眼前富貴皆年少悲苦長多
少歡咲抽絃促柱向君彈宛轉淒涼不成調

持心託明月明月照影不照心彈劍發長歌歌長宛轉
多苦音瀉水東西南北流昔日年少今白頭欲對君前
歌此曲恐君泪下不能收

勿除蔓行

蔓草君勿除葉蒂相連牽春風共滋長秋露同衰殘庭
前梅花樹一種同根生南枝暖北枝寒

讀杜詩斐然有作

王澤久淪洽正聲皆雅言百川忽西流青黃襍犧樽騷
經吹死灰明燭日月昏綺麗兆建安淳古還開元夫子
握元氣大音發胚渾明婁失毫芒神羲隘乾坤再變六
義彰一日五典□上該周南風下返湘水魂仲尼不容
刪餘子何足吞五季兵戈繁嘲啗蟲鳥喧頽波旣瀾漫
新奇尙西崑吻喙生譏評神鬼懷憤寃王蘇發醯甕黃
陳窮河源煌煌百年間後學同推尊時時或嘗鼎往往
猶戴盆傲摹惑銅盤箋釋訛金根顧余小子旃獨受枉
極思神融淚交墮思苦心屢捫相望五百載如接顏色

温爐冶無停工况復忝諸孫斯文誠儻存庶以起九原
紙被一首

踈布裹敗綿破碎錯經緯嚴風過强弩終夜縮如蝟刺
溪褚夫子益友吾所畏策勲在覆冒周密罕儔彙隱然
萬里城可却戎馬氣脉髓益春温濁酒有醲味直躬免
拳跼夜氣益洪毅吳宮鳳花錦伐命可獻歛物微用匪
薄道在窮不諱緼袍可窮身狐貉不足貴

陸務觀赴召

四海文章陸放翁百年漁釣兩龜蒙數開天地吳何與

老作春秋道未窮李耳守官逾二代張蒼職史到三公

坐令嘉泰追周漢此是君王第一功

戴復古贈仲高詩兄弟皆名士文章

動上台 陳同父復仲高云所謂半落半開花有恨一晴一雨春無力令人眼動及讀別纜解時風又緊離觴盡處花飛急然後知晏叔原之落花人獨立微雨燕雙飛不得擅美于前矣

劉仙倫二十四首

仙倫字叔擬廬陵人程史作劉擬招山小集

水楓歎

楓葉不耐冷露下燕支紅無復戀本枝策策隨驚風鄉
來樹頭蟬去盡不見蹤日落秋水寒哀哀叫征鴻

得蟹無酒
水鄉秋晚得白蟹望斷碧雲無酒家此意淒涼何所似
淵明醒眼對黃花

有懷二小姪

殊鄉憶諸姪觸緒成歎嗟阿寧早失父熒熒垂兩鬢已
知陟岵悲啼哭聲啞啞阿穎幼豐下出入常隨爺別時
俱學書落紙翻老鴉倒指今三年爲學當日佳應解對
我兄言叔不還家何時重抱持課書賞梨楂看渠俱成
人怜我雙鬢華待我兄弟醉會當相扶義

贈曾相士

大會兩眼如磨銅坐上一顧凡馬空發天机緘被天惡
老死不遇悲途窮小曾短小眼如鶻冷地看人看入骨
誰云輪扁不傳心獅子還生獅子窟倒拖拄杖行九州
平生慣識公與侯得錢送家養老母裘袂慘淡行囊羞
我慵百事不入耳休說功名老無味它年相伴竹溪頭
同採芙蓉渡秋水

西林留題

路入康廬西復西翠烟深處著招提山僧幾輩雪垂領

南宋詩選 卷五 三
水鳥數聲雲滿溪，莫對青山談世事。且循粉壁看留題，
禪房夜臥衣裳冷。破夢鐘聲落月低。

盱江驛舍中有婦人書一憶字筆勢頗姿媚游
子明王相之皆題詩其後率余同賦

陽臺雨歇行雲杳，天濶鴻稀春悄悄。鴻鷺孤眠怨芳草，
夜夜相思何日了。妾非無聲不敢啼，妾非無泪不敢垂。
柔情欺損青黛眉，夢魂暗逐蝴蝶飛。春風着人瑣窓綠，
綠窓書字寄心曲。細看香翰婉且柔，中有閑愁三萬斛。
向隅棄筆惆悵時，此情默默誰得知。無緣相見空相憶。

不如當日休相識

盱江道中

屈曲清江遶徑斜，綠陰深處隱人家。嵐昏山色未還觀，
水落漲痕猶在沙。麥熟村村喧水碓，蠶成處處響繰車。
馬頭忽覺清香近，路轉橋南有野花。

送徐淵子知縣二首

君作西昌宰，人如太史賢。化行黃犢外，心在白鷗邊。訟
理無公事，官清祇俸錢。蓬窓載書畫，頗似米家船。
城郭春寒夜，郵亭小泊時。相逢一樽酒，共說十年詩。風

雨成輕別江山莽後期着鞭從此去早到鳳凰池

過嘉興

惆悵嘉興路。三年幾度經。航船連夜發。更鼓隔城聽。落月低烟樹。秋風冷露吟。客懷容易感。宜醉不宜醒。

陳惟定得蜀墨一笏于觀音老僧磨試奇甚落
刀中分賦此爲贈

吾聞蜀道如天高。寸步千嶮愁。猿猱蒼官老。據岷峨上
誰肆斬代焚其膏。坐割長鯨割其白。丁當萬杵春成膠。
甄陶出此數寸玉。山靈河伯俱啼號。蜀人寶之夜光發。

六丁竊取潛逋逃。龐眉老僧打化得要與。祇樹供題抄
却。伶南澗詩壇豪。贈之爲染霜兔豪。欲令拍肩李供奉。
脫靴醉換紅錦袍。梅坡覓句心忉忉。沉着無處安推敲。
陳元嫌我窮到骨。隨世冷煖成絕交。賢哉南澗得此寶。
中分肯落并州刀。得之欲顛喜欲舞。助我詩思來滔滔。
自臨清流洗破研。赤腳不怕風霜饕。歸來小試病風手。
元雲滄滄生烟濤。未能接武居螭蚬。萬古一筆定貶褒。
爲君且費千幅紙。鴉兒大字書離騷。

以騎驢鍾馗送秦先之

百六詩選 卷五 三
髯鍾矍鑠老據鞍曾入大內見阿瞞幞頭垂脚藍綬做
不知班簿爲何官天寒歲晚日云暮霜風吹驢耳卓豎
老臧負笠衣裳單反袂掩口趾穿屨葦門我恐難留君
收卷送似秦將軍將軍文事有武備眉骨自是凌烟人
汝當訶護謹厥職勿但縮頭徒掛壁將軍來歲在殿巖
豐汝牲醪作除夕

秋夜長曲

秋夜長夜月明愁人不成眠搔首行中庭天高氣肅萬
籟息銀床凍損寒露零碧梧已蕭條棲鳥中夜驚枯荷

倒秋水夜氣冰流螢銅壺悲咽漏下澁深閨何處鳴寒
砧亦有朱門人環坐圍娉婷玉觴催喚酒銀甲紛彈箏
衣篝龍腦薰綉被珊瑚枕煖愁鷄聲秋夜長秋月明此
時幾人知此情

題惠崇鷺鷥

清霜着木高柳枯驚風獵獵吹寒蘆蘆根敗蓼色慘澹
沙觜無復菰與蒲風標皎皎四公子來從西雖有閒思
肝腸澡濯秋水清雪衣不受泥土滓偶得一飽卽自如
鵬飛萬里何關渠出離風波岸上立豈只臨淵常羨魚

南齊書選 卷五
惠也小景稱獨步那知寫生尤得趣傍邊謹勿生機心
恐卽長鳴過溪去

仲立于枕上和余韻夜半得句敲門喚余余乃
攝衣而起相與對語于野航橋上殊爲勝絕因
再用韻

夜半詩壇喜解圍楚天雲淡玉繩低撞鐘自得興不淺
泣鬼初成人未知踏月過橋驚雀睡犯霜對語伴烏啼
蕭條此意欣重見絕勝圍紅醉玉卮

李泰伯祠堂

城西泰伯舊祠堂碧蘚爛斑草樹香曩昔功名雲樣薄
後來文字日爭光蒼髯冉冉猶含怒辯口瘖瘖尙帶霜
若使先生居戰國不知何道處齊梁

送陳惟定惟定有伏闕上書之意因以箴之二
首

征衫結束賦歸歟出得樊籠氣便舒爲福定知因失馬
浩歌元不歎無魚江湖是處堪垂釣虎豹當關莫上書
食肉宜憂我何預問津恐復遇長沮

傾蓋相逢二紀前六回相見兩華顛詩成神鬼皆遭役

命薄文章不直錢北事如斯君可去西齋重到我凄然
他年卜築如相覓更約西山暮雨邊

寄蕭彥毓

蕭郎門巷近何如想見青青長碧梧樓外青山無恙否
琴中流水有知無他年歸橐惟詩卷別後春風負酒罇
望斷碧雲無過雁夕陽孤鳥沒平蕪

張漕仲隆快目樓

上得張公百尺樓眼高四海氣橫秋
秋抵愁笑語驚聞闔
不管欄干犯斗牛遠水拍天迷釣艇
秋風萬里入貂裘

面前不著淮山礙望到中原天盡頭

寄韓平叔

淡烟秋水白漫漫夜別江亭劍氣寒
千里思君愁月色
有時無語倚闌干倡酌詩卷應無恙
耐久交情過後看
他日歸舟無俗客撐篷容我話辛酸

贈岳周伯二首

昔年槌鼓事邊庭公相身爲國重輕
四海幾人思武穆
百年今日見儀刑筆頭風月三千字
齒頰冰霜十萬兵
天亦知人有遺恨定應分付與中興

已買湖山卜莫居因君又復到康廬十年幽處看詩卷
一日湖邊從使車南渡忠良知有種中原消息定關渠
從今便是門闌客時出山來探詔除

題岳陽樓

八月書空雁字聯岳陽樓上俯晴川水聲軒帝鈞天樂
山色玉皇香案烟大舶駕風來島外孤雲啣日落吟邊
東南無此登臨地遣我飄飄意欲仙

南宋羣賢詩選卷五

南宋羣賢詩選卷六

江都 陸鍾輝淳川 甄錄

嚴粲 四十九首

粲字坦叔玉溪人口口間登進士第令清湘華谷

集一卷

玉几山房聽雨錄華谷邃于詩學其所作亦清迥脫去季宋綸賦之習與其宗人羽俱有名春晚一絕至今人猶誦之其所著詩輯亦可觀戴式之祝二嚴詩粲也苦吟身束之以簪組遍叅百家體終乃師杜甫其相許者如此

玉溪夜雪

雪霽天夜白月上江空明飲散客就船萬籟沉三更誰

南齊詩選 卷六
家竹籬岸摸索疎枝橫不著色與香令我毛骨清醉魂
乘沆瀣看舞婆羅城

昭君怨

欲洗鉛華淨那須畫手工玉顏翻自誤不似舊圖中

望彭蠡

萬壑氣交會今知楚澤雄水明纔辨樹霧合忽迷空遠
浦沉初月孤舟亂去鴻欄干已愁思漁唱入蘋風

春晚

向來得意在烟霞失脚黃塵負歲華過却海棠渾不省

夢中猶自詠梅花

秋入

秋入蘋風白浪生痴雲未放楚天晴青天湖外知何處
中有斜陽一段明

月夜與張輯論詩

涼露初長夜織雲淨盡時幾人還對月與客共論詩苦
思常難穩閑題或更奇不應誇末俗準擬古人知

盤谷園

聲利爭馳豪末間幾人能得健時閑不須展畫相撩弄

信然

昨夜秋風憶故山

春歸

抵死連宵雨不休
今朝晴景莫登樓
杜鵑啼得春歸了
風裏楊花點點愁

林和靖祠

白雲人已矣
古屋自蒼苔
林下誤疑雀
水邊空見梅
市人攜酒至
歌女棹船回
檢點幽棲處
湖光似向來

宿石潭寺寄黃炳

昨夜湖心共泊船
一天星露宿寒烟
朝來極目無洲渚

知採蘋花何處邊

畫梅蘭竹石

正憶吟窓占竹坡
風烟觸眼奈愁何
梅蘭只作從前瘦
石上蒼苔別後多

春恨

馬上東風吹酒醒
空將春恨到江亭
飛香寂寞無尋處
烟映晚山深淺青

秋思

風落葉間殘
點雨月窺窓
下不眠人秋清
一片無誰領

南宋詩選 卷六
併作詩愁入鬢新

松雪

陰崖未知晴松雪自在白可恨晚風顛飛寒亂苔石

送張輯遊宣城

君撫淵明底樣琴肯于絃上要知音相逢塵事不挂口
別去清愁總上心聽雨夜床孤舊約看雲秋壑想幽尋
他年跨鶴相過否應笑浮名雪滿簪

池陽道中

脫葉舞風過別岸濕雲含雨上晴天修途喜借晚涼得

幽鳥一聲生翠烟

被檄樂平至鳴溪渡有山與南豐軍山同名者
余昔從嶺菴謝先生夢得遊先生于湖畏友也
豪于詩悅軍山之峭拔暢其吟懷自昭武徙家
于市築室曰西窓以朝夕對焉常命余記之余
時從西窓樽酒論文爲樂如是者十載今先生
已矣感而賦詩

江西絕頂插晴空此地山名偶自同喚起西窓十年夢
一樽何處酌詩翁

寄張輯

不見吾張輯新詩何處吟身留江介遠秋入夜涼深燈
影還家夢蟲聲倦客心歸來及佳節細把菊花斟

叨第後日者自謂奇中索詩

兒時意氣謾騎鯨幾向欄干袖手凭今日逢君成一
笑却慙窓下讀書燈

風雨宿湖心

渺渺平湖四接天孤洲曾繫夜來船持鞭又逐風塵去
却憶秋篷聽雨眠

新晴

滑路愁騎馬晴天好放船水紋搖倒壁花影弄晴川夢
寐驅馳在光陰少壯遷心期猶浩蕩搔首白鷗前

送戴式之

自小尋詩出江湖今白頭應嫌少陵讀不似子長遊風
雨夜愁枕鶯花春醉樓吟邊消息好懷古問沙鷗

騎牛圖

乃翁騎牛驢馱兒松間提挈羣僮隨驢逢短橋兒回顧
牛背推敲了不知

一鴈

一鴈度吟寂。流空音響哀。雲沙天地濶。霜雪羽毛摧。力
小知機早。心危見影猜。蘆洲迷處所。飛遶正徘徊。

張輯馮去非話別

此夕真成別。幽懷欲語誰。梅花霜月曉。獨起詠君詩。

湘中

千古懷沙恨。淒涼何處論。坐看宗國事。安用一身存。落
葉西風岸。孤舟半夜猿。年年江月白。爲照獨醒魂。

閒居

盡日門前草。青青不染塵。生書方破卷。幽鳥忽啼春。失
意成高興。多閒信嬾身。不須憂世事。廊廟有經綸。

新竹

樹頭不動天無風。六月還當日正中。唯有滿林新長竹。
別生涼意襲簾櫳。

二水聞角

少日鄉閭不解愁。閑聽畫角起譙樓。西風依舊欄干月。
獨自瀟湘萬里秋。

慈湖墨竹

先生萬慮盡空時元氣渾淪可得窺
還有發生消息在揮毫烟雨一枝枝

戲筆偶然成此耳直將造化論
錙銖不知茂叔庭前草有此風烟一段無

未開梅

老樹天機早潛回一點春寒梢方蓓蕾
瘦影已精神冷淡看前輩芳菲總後塵
更須香共色未是監花人

客裏

客裏還來此寒燈耿獨吟
一官江國夢十載草堂心木

落秋聲小蛩孤夜思深驅馳空自許
冉冉鬢霜侵

秋懷

秋懷不到夢歷歷數寒更坐得楚天白
吟教湘水清殘燈搖壁影片葉墜堦聲起
看孤城霧人間事又生

初注清湘令寄馮深居

深居定何處無便寄聲頻舊別芝山月
相思楚水春白雲生夢遠華髮折腰新
料得今書到看題笑故人

秋風

門與姑山對溪邊有故廬別來三徑菊
閑却一樓書水

南齊詩選 卷一
確長腰米。村船巨口魚。秋風歸去好。留滯意何如。

早行

修程避晝炎。中夜征夫起。蟲聲荒郊迥。犬吠衡門閉。行月色淡微。霞露天際永。懷高卧人幽。夢繞蒼翠。

西湖

何處春晴好。西湖元巳朝。馬嘶堤上路。船過柳陰橋。敲竹鶴聲起。弄泉花影搖。坐看遊客盡。烟水思迢迢。

調古

調古人能聽。眉長世共妍。家山夕陽外。心事落鷗邊。弟

妹知何在。風塵祗自怜。孤燈照危坐。不是少林禪。

舟中夜酌別鄧均

共對船頭月。通宵語未終。鄉關幾歲別。筆墨小時同。江影高低樹。秋聲斷續鴻。相逢渾草草。明日又西東。

發清湘二首

歸棹將秋色。三湘是勝遊。灣回仍小嶼。灘過盡平流。臨水聞僧磬。隈岩隱釣舟。江頭每佳處。沽酒小夷猶。栽樹未花開。其如行色催。遙怜今歲雪。誰看一庭梅。餘俸刊詩卷。歸程賣酒盃。輕舟下灘穩。鷗鷺莫相猜。

繫舟

古岸人家少蒼茫此繫舟
閨中今夜月江上晚風秋
一水縈寒夢雙鴻亂遠愁
湘源知不惡吾意肯淹留

夜行舟

忽報風波息積人倚柁看開船
星斗轉吹笛水雲寒犬吠知村近
烏啼覺夜闌兒童將白石敲火趁晨餐

任機宜新圃

小斲烟苔地春生一笑間
亭邀鄰圃樹臺挹隔城山
幽夢壺天曉清時幕府閒
旋移花盡活容我醉來攀

次韻菊花山人沈莊可見過之作

借得山中集塵埃一半侵
讀來知句好老去向誰吟
高義先投刺忘懷肯抱琴
茅齋亦相約樽酒要同斟

重過雷園

靜處人來少園扉本不關
寒叢淒石徑落日思空山
倚樹吟情遠臨池立影閒
晚林看更好一抹冷烟還

夜發湘城

西風吹客衣一舸載書歸
肯爲身謀便而令心事違
艚聲江月碎人影水烟微
漸覺寒城遠沉沉擊柝稀

大虎頭灘

聞說前灘大虎頭行人愁絕欲回舟世間多有虛名誤
不見錢塘海逆流

黃文雷

四十首

文雷字希聲盱江人看雲小集其自題有云詩以
唐體爲工清麗婉約自有佳處或者乃病格力之
浸卑僕才分旣以褊迫生世不諧思致窮苦雖知
其然而未之能變也今讀其詩憤恨慘楔言皆有
物非爭英角綺者所可比也

讀史感興三首

斷鰲幾何年八極儼不動當是有樞紐鐵網落織空偷
兒睨斗柄赤手掣天棟愁殺地上人覆壓萬古痛書生
見事淺十算九不中豈徒書生罪要與六籍共

子胡譏神仙仙人輕薄俗軒冕旣非榮刀鋸况多辱惟
能小萬物是以超五欲栖瓊得輕安鏤玉記華馥一詠
太始音靈芝悟前夙小謫未可遺裁書繫鶴足

仙栖固多名世但知蓬萊九洲復九洲廣大莫可該翩
翩牧鶴童巧笑如嬰孩授我紫元章歸路玉笛哀蒼寒

不可覓但有清風來偏仄寧久居浮生多塵埃

和陶五首

志士方進身恨不以羽飛束縛歸山岡竟爲人所悲白
楊夜蕭蕭顧此何足依百歲會有盡智愚同所歸奈此
後之人未老形已衰有酒不暇飲而恐心事違

林表有宿靄谷鳥相啾喧聽此心煩勞啟窓西南偏天
氣總未佳白雲生隴山欲訪雲間人雨至或未還撥灰
書且住首肯心中言

黃河一再清似是上古時風雅久已降後來無文辭清

風日淪落世道皆如茲工華不工實此話我所疑文章
有心印昔人端不欺但恨智者少吾亦少卑之

上有碧松林下有白石道中有學仙人自號古松老蛻
身千歲餘坐息如木槁面目劇嚴冷但道空虛好袖出
天甲書意色輕鴻寶此老誠可人吾欲從師表

牧牛上陽陂角掛上下經吳童歌且謠旨趣皆混成東
西兩山間飽見日月更歸來松陰涼夕陽滿前庭黃葉
從風翻蕭颯草際鳴再拜謝天公賦此小人情

長歌行

君不見遊塵着空生九洲人其中間懸兩眸楊花化萍
無根蒂風消水長東西流江南下濕人易老過盡歲年
還草草長留白日照人間榆柳浮生轉枯槁毬紋帶遶
千花黃青娥攢眉眉細長莫言一尊千萬壽乃翁身命
屬渠手長安城中鬼笑人水底紙錢能不朽今人不見
古人心古人不見今人事天上若無長生人卽是古人
都盡死金鳧銀雁滿江湖神光夜夜開黃壚年經月緯
三百卷平生欲作何人書古人去去留不得我些古人
三太息今人莫詫山石牢更後十年人不識

觀化

屋角有蜘蛛結網大如箕有來者蜻蜓飛飛墮其圍嗟
汝水之生爬沙自足嬉忽然凌空遊蜂蠆避路馳一朝
嬰禍罹羽翼安所施蜘蛛雖未出狼狽已可期我欲救
起汝正坐手足疲噫吁噫悲弗悲蜘蛛亦有黃雀隨百
虫相殘人不管人兮食人天豈知

歲晚歸自臨川

半世生羣盜窮年見亂離出門偏念母挾策欲干誰雪
重人踪絕山寒火氣低平時來往地滿目盡憂疑

無恙

北去初無恙傳疑路不通
戈鋌亭障密榜牘訓辭工落
日鳥飛急空山花自紅
若爲能詛盜桑已斗星中

南豐道中二首

此縣聞天下披圖且萬家
螭頭餘佛屋鹿角臥江沙
好與蘇凋瘵誰令息嘆嗟
春風多少意殘竹映松花
想見承平日茲爲富庶鄉
門庭存位置井臼隔垣墻
草市宜區種空村又夕陽
誰歟真致此盜賊已天亡

曉行

一水來不極兩山青
欲連夜雨瀑初漲曉雲路難緣
此寧有人跡四顧風竹喧
渡橋復何歸倚崖桃初然

晚立

獨遊得荒蹊晚意與心會
水聲遠纔聞山色靜可對鳥
語林塘邊犬吠籬落外柴門未須關
月在東峰背

金陵卽事

東菴遺像宿塵埃
追想鷄聲午夢回
只與鍾山增九鼎
當時何似早歸來

千年陳迹故難尋
向北山根識定林
丘壑獨來差可意

斷無人影古松陰

唐晉諸人骨已磨龍蟠虎踞自山河可憐不共羊曇見
奈此秦淮落照何

王謝風流自一時長千古巷記烏衣尋常百姓幾番換
那有當年燕子飛

西域圖

大哉天地間品類不可齊誰爲好事人貌此縣度西松
花瑣碎沙草肥是間可牧羊千蹄可憐羣鹿正走險或
爾剝割衣其皮啜湏樹樺尙有理穴顛插齒吁何爲吾

聞中原全盛時重譯四走朝京師懷方衆胥飭乃事幻
人詭伎何能奇還君此畫雙涕洟願賦周官王會詩

二橋圖

翔龍下卷江東土孫郎初得橋家女橋家本自重曹瞞
隻鷄斗酒空酸楚衿情正用留阿瑜尙得人前稱肺腑
百年王氣竟銷沉妙寫丹青嬌欲語香閨擗管寄何書
並蒂芙蓉按花譜那知不是未嫁時本末無從勘彤史
詞人多事管閑愁銅雀紛紛底歌舞儘強被髮向黃鑪
只與東阿傳洛浦

昭君行

自石季倫始賦昭君曲以後作者浸多不容
措手每恨汭襲之悞作漢初和親意著詠非
也又按竟寧元年呼韓邪旣壻漢氏其年五
月宮車晏駕矣因併著之不惟祛詞人之失
亦以解昭君於地下云

君不見未央前殿羅九賓漢皇南面呼韓臣無人作歌
繼大雅至今遺恨悲昭君丙殿春閑鬪馮傅掖庭新花
隔烟霧票姚枉奪燕支山玉顏竟上氊車去人生流落

那得知不應畫史嫌蛾眉痴心只恐琵琶語歸夢空隨
鴻鴈飛穹廬隨分薄梳洗世間禍福還相倚上流厭人
能幾時後來燕啄皇孫死野狐落中高臺傾宮人斜邊
曲時平千秋萬歲總如此誰似青塚年年青

次黃存之東臯韻四首

蕤木東臯下新榮冒水涯錦機分箔鬧青子亞枝斜犢
角初生笋龍鬚正引瓜汲清雙玉井留客品嚐茶
抱膝東臯下春風又草廬海仙將可見溪友未宜疎楷
著祈年疏閑箋種樹書西山頻烟雨容易長嘉蔬

負未東臯下溝塍稻秫分汙邪爭一漑臺笠事重耘
幽雅春稱壽秦謳歲勞動無功虛作傳農績未如君
挾冊東臯下從人笑未元傳真秧馬帖參透牧牛篇
列岫窓前月平湖塢外烟似蒙稽古力鐘鼎豈其然

冬郊

冬郊見初晴空林夕陽軟歸牛無人驅欲涉行轉緩
新稿明屋山失喜鵲爭喚絕勝門外人流冗及歲亂

楚語
歲晏

亂為

上天池寺三首

蟠際均衡嶽千峰獨出羣鯤鵬從水擊翼軫驗天文
曠野風行雨曾霄日貫雲僧言興廢事因念佛王勛
始從平地望宛在九霄中不意身能到平生心併空
江淮通好雨日月會剛風三伏涼如水蟠拿想白龍
今古無窮恨山林只自豪雲行地欲盡風立天尙高
靈草如堪餌浮生計可逃人間何擾擾萬里一秋毫

往年因讀岳王傳嘗爲之賦今過東林睹其遺
像感而申頌之二首

將軍英爽冠人豪眼底山河累寶刀青女護香天亦悞

黑龍飲渭數何逃當時僧說松楸犯今日人推闕閱高
珍重王孫方鼎貴莫將歌舞替征袍

欲壞長城豈自由江人重唱白符鳩熏天富貴還須盡
從古忠良類若仇獄吏但能書牘背相公終欲割鴻溝
書生志念閑無用長想朱雲地下遊

近報二首

入春風雨惡情懷談柄誰資近報來比歲時聞通國信
新年又說建行臺難言鐵冶飛灰燼易見銅駝出草萊
羌筦夜吹梅落盡倚牆繚亂野花開

青青塞草始知春又見平林棗頰頰虵起天津流枉矢
鳥飛淮甸覆行塵漆城按堵寧辭蔭石馬霑溝會有神
千古睢陽無處覓不知臧質是何人

玉壺卽事

雨過條風着柳芽淡黃淺綠嫩如花陂湖漾漾初侵路
蜂燕紛紛各理家帶郭園林仙苑近送春船舫綉簾遮
芸窓倦倚何山翠暖靄輕籠日脚斜

自廣

今古紛紛孰控搏太平方寸豁憂端後千年去人何似

外九州來天自寬風雨南山飛霹靂江湖北斗挂闌干
要知元命真消息滄海神龍自在蟠

次陳剛父見簡韻三首

我居深山中細哦求友篇解后潮海濱得此璧一聯山
立古先民期君能拍肩茫茫宇宙心楚楚東南賢
讀書知姓名心死非貌敬昭回不在小中天揭西柄空
山三木榻綠滿風雨徑歲寒毋忘我細意匡山詠
呦呦苹野春我友二三子歸山睡初足澗壑秋風起一
瓣無盡香黃雲繞書几別吟極雋永形魂清九耳

趙希櫛 八首

希櫛字誼父汴人抱拙小稿

次李鶴田德真寄遠

長安日下浮雲生故人久作西南行漚邊兩載音信絕
鬢絲應與秋風爭蒼苔冉冉荒茅屋愁來忍把離騷讀
驚鴻剛自墮邊碧碧嶂那堪遮遠目青雲高處期翱翔
去人歲月今堂堂吳勾拂拭霜雪冷龍光飛耀秋天長
思君一夜離心折東樓又送無情月

江湖偉觀

華屋巋然占上方一樽同此寄相羊江潮翻海暮天濶
湖水拍堤春草長莽莽越山凝紫翠搖搖□□間青黃
歸鴻影裏闌干晚回首中州入渺茫

九日

江蟹初肥天欲霜暮雲紅樹寫秋光西風撮手登臨地
今日黃花雨外香

過臨平

市井蕭條景物非○居人猶號永和堤○春山十里斜陽樹○
漠漠殘紅杜宇啼○

春遊二首

夢冷繁華金谷園春深葵麥暗朱門東風日日吹花急
紅雨蒼苔幾泪痕

蝶嬾鶯暗欲暮春更兼風雨別愁新天涯草色深如此
惱得淮南有故人

次李雪林韻卽荅

雪散烟收渺渺秋蛩聲四壁起新愁西風萬里乾坤眼
不到斜陽十二樓

秋夕

半枕小窓幽夢蝶數聲何處寄書鴻關山千里人歸晚
腸斷烟林一笛風

葛耕起

九首

耕起字君顧丹陽檜庭吟稿

秋夜

遲月上深夜新蟾不終夕何如月圓時通宵照無極

記夢

綺寮縹緲做虛明鵲峙鸞停護碧城珠藥一枝春共瘦
玉環雙佩月同明曾題洛賦緘新意却拊湘絃寄遠情

十二闌干風細細覺來依約記棋聲

湖天霜曉

十里平湖浸曉光玉鸞飛舞鏡中央也知青女催梳掠
淡拂鉛華試靚妝

暮春二首

畫闌目斷楚雲西芳草連天客思迷家在江南烟雨裏
落花時節杜鵑啼

燕子聲中日正長讀殘書卷亂堆床夢回却愛西牕寂
閒看松花帶夕陽

和蘆洲劉子泉秋懷

雨送秋歸雁帶霜凝情無處寄詩狂一庭莎草蛩吟老
萬里梅花鶴夢長德誼可踰鍾鼎貴聖賢不死簡編香
邇來世道添悲梗不但推車是太行

次子泉韻

月轉庭花玉一闌寶釵不卸待郎看丁香擬結相思夢
無奈東風作社寒

小隱

小隱山林習已成市朝聲利讓渠爭是非每向靜中見

悔吝多從動處生且約蒼官陪竹友共邀懽伯訪梅兄
歲寒心事期相守一瞬枯榮任變更

宮詞

銀漏疎風透玉屏碧梧枝上雨三更依稀似寫華清恨
雲冷香銷夢不成

香

風

寒

寒心車

南宋羣賢詩選卷六



